

INUIT ATAQATIGIIT



UPA 2019/52
03.04.19.
Aqqa Samuelson

Landskarsimit tapiiffigineqartartussamik nammineq piumassuseq tunngavigalugu suliffissaaleqilernissamut sillimasiisarfimmik pilersitsisinnaanermut atatillugu inuiaqatigiinnut sulisartunullu aningaasatigut iluaqutissartai akorngutaalu pillugit misissueqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Misissuinermi ilanngunneqassapput periuseq ataatsikkut sullivinnut tamanut atuuttoq kiisalu periuseq sullivinnut assigiinngitsunik suliaqartunut ataasiakkaanut atuuttussaq ilaatillugu kattuffiit pineqartumut isumaat. Misissuinerup inerneru Inatsisartunut ilaasortanut agguanneqassaaq kingusinnerpaamik UKA2020-mi.

(Inatsisartunut ilaasortaq Steen Lyngé, Demokraatit)

Siunnersuummut siunnersuuteqartumullu Inuit Ataqatigiit qujapput.

Landskarsimit tapiiffigineqartartussamik nammineq piumassuseq tunngavigalugu suliffissaaleqilernissamut sillimaasiisarnermut atatillugu Inuit Ataqatigiit siunnersuummut soqutiginninnertik oqaatigissavaat.

Suliffissaaleqilerneruq sumiluunniit atuuttuartillugu suliffissaaleqilerneruq pissarsiulinnginnissaaq qulakkeerneqartariaqarpoq.

Inuiaqatigiit atugarissaartut sutigullu tamatigut aningaasarsiornikkut inuussutissarsiornikkut ineriartorusuttut suliffissaqartuarnissaa qulakkeerneqartariaqarpoq. Kisiannili inuup nammineq pisuussutiginnisaminik suliffissaaleqilerneruq Nunatsinni misilittakkanik ilisimasanillu peqartoqarnissaa Inuit Ataqatigiit tapersorsorpaat. Taamaattumik suliffissaaleqilerneruq pissutaasartut kingunerisartagaalu pillugit misilittakkanik ilisimasanillu peqartoqarnissaa pinngitsoorsinnaasorinngilarput.

Suliffeqarfiit ataavartumik aalaakkaasumillu sulisussaqartuarnissaa qulakkeerniartuassallugu pingaaruteqarpoq. Taamaattumik Inuit Ataqatigiit sulisut atugaasa, suliffeqarfiillu pisortat ingerlataat namminersortullu ingerlalluarnissaannut pitsanngorsartuarnissaannullu Inuit Ataqatigiit suleqataassapput.

Suliffissaaleqineq naalakkersuinikkut akiorneqartariaqarpoq. Suliffissaaleqinerup annikinnerpaaffissaminiitittuarnissaa qulakkeerniarlugu suleqataassaagut. Aamma suliffissaaleqilersarneq pinaveersimatinniarlugu Nunatsinni suliffeqarfinni atugassarititaasut aningaasaqarnikkullu pissutsit eqqummaariffigineqartariaqarput.

Nunatsinni suliffeqarfippassuit pisortat ingerlataat aammalu namminersorlutik suliffeqarfiutillit sulisoqarnermikkut inissisimanerat, sulisullu piginnaasaat qaffassarneqartuarnissaa sulisut aalaakkaasuujarnissaaq suliffeqarfiillu ingerlalluarnissaaq qulakkeerniarlugu.

Taamaattorli suliffiit pissuteqavillutik matusinnaasarpud. Suliffeqarfiit matugaangasa inuk ilaqutariillu meeqartallit eqqorneqartarpud. Suliffeerunneruq innuttaasut atugarisaat

ajorseriaateqannginnissaat qulakkeerniarlugu periutsinik ullutsinnut naapertuuttunik ineriartortitsisariaqarpugut. Ilinniarsimasuuneq ilinniarsimasuunnginnerluunniit suliffeerunnermi apeqqutaasangilaq, ilinniarluarsimagaluartulluunnit nammineq piumassuserinngisaminnik suliffeeruteriasaarsinnaasarmata.

Nunatsinni A-karsitut siunertalimmik aaqqissuussaasumik peqanngilagut. Taamaattumik misissuinerup ingerlanneqarnerani suliamut ilisimasallit, ingerlatseqatigiiffit, aningaasaateqarfiit, kattuffiit susassaqtut, namminersorlutillu suliffeeqarfiutillit qanimut peqataatinneqarnissaat kaammattuutigerusupparput.

Suliffeerunnermi pisortanit ikiorsiissutit isumalluutaasarnerat annikillisarneqassappat iliuuserineqarsinnaasunik pilersaaruteqartariaqarpugut. Pisortanit ikiorsiissutit pingaarnertut inunnut isumassortariaqavissortunut atorneqartariaqarpugut, suliffeerunnermilu ikiortariaqartut allatut aaqqiivigineqarsinnaallutik. Taamaattumik siunnersuut suliffeerunnermi periutsinik ineriartortitsinermi tapertaalluarsinnaasutut isumaqarfigaarput.

Taamatut oqaaseqarluta siunnersuut peqqissaartumik sularineqarnissaa kissaatigalugu Inuusutissarsiornermut Aatsitassanullu Ataatsimiititaliamut ingerlateqqinneqarnissaa innersuupparput.